



Informasjonsnotat/orientering

Frå:

Meline Heimdal Haugland

Status på arbeid med fritidskortordning for barn og unge

Saknr/Journalnr

20/96/21/7199//MEHH

Arkivkode

FA-C11

Dato:

01.09.2021

Oppfølging av interpellasjon frå KrF kommunestyremøte 05.12.19 om *Samnanger som forsøkskommune for "Fritidskort til alle mellom 6 og 18 år"*.

Kort om pilotprosjektet "Fritidskortet"

"Fritidskortet" er eit prøveprosjekt i regi av barne,- ungdoms- og familiedirektoratet (Bufdir).

Målet med fritidskortordninga er å bidra til at fleire barn og unge får delta i faste, organiserte fritidsaktivitetar. Fritidskortet skal vera universelt og for alle barn i alderen 6 til fylte 18 år.

Deltakarkommunane mottek mellom kr 800 og kr 1 000 per barn i målgruppa per halvår. Midlane er øyremerkte fritidsaktivitetar for målgruppa og skal bidra til å deka deltakaravgift til faste, organiserte aktivitetar som gjev høve for tilhøyrse over tid.

Målet med forsøket er å hauste erfaringar med fritidskortordningar. Erfaringane frå arbeidet skal seinare verta nytta som grunnlag for vidare arbeid med ei eventuell nasjonal fritidskortordning.

Status

I januar 2020 lyste Bufdir ut midlar til forsøk med fritidskort. Prosjektperioden var sett til hausten 2020 og våren 2021.

I samarbeid med NAV, og med godkjenning frå ordførar og rådmann, søkte kulturkontoret om å delta i pilotprosjektet. Dessverre fekk me avslag på søknaden. Direktoratet mottok 193 søknadar, kor 12 kommunar fekk tilskot.

Prosjektet er no utvida og forlenga til 2022, men det har ikkje vore høve for kommunen å søka om å delta på nytt.

Fritidskortet kan verta ei nasjonal fritidskortordning, og på sikt bli eit tilbod for barn og unge i Samnanger kommune. Me avventer difor arbeidet med ei fritidskortordning i kommunen til me veit resultatet frå pilotprosjektet.

I mellomtida ønskjer me å auka kunnskapen om korleis me lokalt kan inkludera alle barn og unge i fritidsaktivitetar, uavhengig av familien sin økonomi. ALLEMED er eit gratis verktøy som vert brukt til å skapa diskusjon og finne gode løysningar med dette som formål. ALLEMED er utvikla av organisasjonsnettverket Nasjonal dugnad mot barnefattigdom og utanforskap blant barn og unge

(NDFU) og vert finansiert av Nasjonal tilskuddsordning for å inkludere barn og unge. Kulturavdelinga og NAV ønskjer å invitera frivillige lag og organisasjonar til eit dialogmøte kor me nyttar ALLEMED.

Kjelder:

[Fritidskortet \(forsøk\) \(bufdir.no\)](#)

[ALLEMED](#)

Dokument som ikkje er lagt ved:

Søknad om å delta i pilotprosjekt om Fritidskort

Avslag på søknad om å delta i prosjekt med Fritidskort

Interpellasjon frå KrF i kommunestyremøte 05.12.19 (journalpost 19/9773)

Svar på interpellasjon frå KrF i kommunestyremøte 30.04.20 (journalpost 20/2774)